



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina  
Evangelica De Meditatione mortis**

**Kispenning, Henricus**

**Antverpiæ, 1583**

Pro obtinenda æterna Beatitudine, SS. Augustini & Bernardi fiducia. xxvij.

[urn:nbn:de:hbz:466:1-46214](https://nbn-resolving.org/urn:nbn:de:hbz:466:1-46214)

Pro obtinenda aeterna Beatitudine, S S. Augustini & Bernardi fiducia.

CAPVT

XXVII.

August. Manual. cap. 22. &amp; 23.

Bernard. Sermon. 3. de septem panib.

**N**ihil tam ad mortem amarum, quod morte Christi non sanetur. Tota spes mea est in morte Domini mei. Mors eius Meritum meum, refugium meum, salus, vita & resurrectio mea. Meritum meum Misericordia Domini. Non sum meriti inops, quando ille misericordiarum Dominus non defuerit. Et, si misericordia Domini multe, multus ego sum in meritis. Quanto ille potentior est ad saluandum: tanto sum ego securior. Peccaui peccatum grande, & multorum sum mihi conscius delictorum: nec sic despero, quoniam ubi abundauit delictum, superabundauit & gratia. Qui de venia peccatorum suorum desperat, negat Deum esse misericordem. Magnam iniuriam Deo facit, qui de eius misericordia diffidit. Quantum in se est, negat Deum habere CHARITATEM, VERITATEM, & POTESTATEM, quibus tota spes mea consistit: scilicet in Charitate adoptionis: in Veritate promissionis: & in Potestate redditionis. Murmuret iam quantum voluerit insipiens cogitatio mea, dicens: Quis enim es tu, aut quanta est illa gloria: quibusue meritis hanc obtinere speras? Et ego fiducialiter respondebo: Scio cui credidi, & certus sum: quia in charitate nimia adoptauit me in filium: quia verax in promissione: quia potens in exhibitione: licet enim ei facere quod voluerit. Tria igitur haec sic roborant & confirmant cor meum, ut nulla me penuria meritorum, nulla consideratio propria vilitatis, nulla aestimatio celestis Beatitudinis, ab altitudine Spei deicere possit in ea firmiter radicatum. Hic est funiculus triplex, qui difficile rumpitur: quem nobis a patria nostra in hunc carcerem usque demissum firmiter tenemus.

Rom. 6.

Eccl. 4.

I 5

ncamus,

neamus, ut ipse nos subleuet, ipse nos trahat & pertrahat usque ad conspectum gloria magni Dei: qui est benedictus in secula.

Alia D. Bernardi fiducia.

**CAPVT. XXVIII.** **F**ateor, non sum dignus ego: nec propriis possum meritis Regnum obtinere caelorum. Caterum duplici iure illud obtinens Dominus meus IESVS CHRISTVS, hereditate scilicet Patris, & merito Passionis: altero ipse contentus, alterum mihi donat: ex cuius dono iure illud mihi vendicans, non confundor.

Vitz Bernardi lib. 1. cap. 12.

De Spe, Meditatio eiusdem D. Bernardi: ad versiculum Psalmi 90. Quoniam in me sperauit, liberabo eum, &c.

**CAPVT.**

**XXIX.**

Serm. 15. in Psalm. Qui habitat.

Psalm. 21.

Ecccl. 2.

Psalm. 61.

Deut. 11.

**D**ulcissima liberalitas, in se sperantibus non deesse. Hoc enim totum hominis Meritum, si totam spem suam ponat in eo, qui totum hominem saluum fecit. In te sperauerunt Domine patres nostri: sperauerunt, & liberaasti eos. Ad te clamauerunt & salui facti sunt: in te sperauerunt & non sunt confusi. Quis enim sperauit in te, & confusus est? Sperate in eo omnis congregatio populi, effundite coram illo corda vestra: Deus adiutor noster in aeternum. Quemcunque, inquit, locum calcauerit pes vester: vester erit. Pes noster, utique Spes nostra: quantumcunque illa processerit, obtinebimus: si tamen in Deum tota figatur, ut firma sit, & non turbetur.

**CAPVT.**

**XXX.**

August. 83. Quest. ca. 61

De eadem Spe, dulcissima D. Augustini Sententia.

**C**hristo duce ab oneribus & laboribus huius peregrinationis nostrae, tanquam ab Aegypto liberamur